

نذریستیا ابتدا لیسیر خانیه

(یکریمی اوچنجیسی)

سؤال و جوابلی

تجربیک



مؤلفی

سابق مکتب ادب معلمندن اسکوب کبیر ابتدا لیسیر مدیر و معلم اولی

حافظ فرید



معارف نظارت جلیله سنک رخصتیه اوچنجی دفعه اوله رق
باب عالی جاده سنده ۳۸ نومرولی مطبعه ده طبع اولمشدر

در سعادت

۱۳۱۴

مَقَالَتِهِ

اسکوبده کائن مکتب ادبده معلمکله کچوردیکم ایکی اوج سنه لک
 بر زمانک محصل تجربه سی اوله رق ترتیب ونشرینه متجاسر اولدیم
 شو اثر عاجزانه مک عصر حاضرک مآثر ترقیاتی میاننده تعداد اولنه جق
 قدر قیمتی اولماقله برابر او آثار معالی نثار آره سنه قاتمهم بعضیلرنجه
 محل تعریض عد اولنه جفی اعتراف ایدرم؛ لکن بوکا مقابل ایکی سرمایه
 مدافعهم وارد بری دین مبین اسلامک اس اساسی اوله رق پیغمبریمز
 (صلی الله علیه وسلمه) انزال بیوریلان قرآن عظیم الشانک خطاسز قرائت
 اولنسنه علی طاقه البشریه خدمتله کندولرندن استشفاع دیکریده اسئله
 واجوبه سی صره ایله تحریر اولنان عبارته نک حفظی سهولتی اولسی بالتجربه
 معلوم بولندیفی جهتله ابنای جنسمک هیچ بر وقت اونودلما سی فرض
 اولان شو مسائله ممارسه پیدا ایلملری فکریله عبارتی او یولده تحریر
 ومعافیة اطفالجه هنوز ایشیدلماش بعض قواعد علاوه سیله ممارسه لرینی
 توفیر ایلدیکمدن مظهر تقدیر اوله مازسه مده سزاوار تعریض کورلیه حکمدن
 اولسون امیدوارم . بوکی عظیم القدر بر اثر عاجزلری کبی کم بضاعتک
 نمره محاکمه سی اولورسه خطاسز اولهمیه جفی وارسته قید اشتباهدر .
 بناء علیه مطالعه سنه تنزل بیوران حفاظ افندیلرک انظارینه تصادف
 ایده جک خطایابی تعیب و تحقیر نسبت ایتیمکسزین تصحیح ایلملری
 خاصه تمنی اولنور .

فیرم

بِسْمِ اللَّهِ الرَّحْمَنِ الرَّحِيمِ

سؤال — حرف مد قاچدر ؟

جواب — اوچدر؛ واو، یاء، القدر .

س — حرف مد نه دیمکدر ؟

ج — اوست طرفده کی حرفی اوزادن حرف دیمکدر .

س — واو نه زمان حرف مد اولور ؟

ج — واو حرکه سز واوست طرفده کی حرفك اوزرنده

اوتره { — } بولندیغی زمان {بو} کبی .

س — یاء نه زمان حرف مد اولور ؟

ج — یاء حرکه سز واوست طرفده کی حرفك آلتنده اسره

{ — } بولندیغی زمان {بی} کبی .

س — الف نه زمان حرف مد اولور ؟

ج — الف حرکه سز واوست طرفده کی حرفك اوزرنده

۱- بولندیغی زمان ابا کی . فقط قرآن کریمده الف اوزرنده
جزم انا اشارتی بولندیغی وقت حرف مد اولماز یا من انک الفی کی

س - سبب مد قاچدر؟

ج - ایکیدر، همزه وسکوندر .

س سبب مد نه دیمکدر؟

ج - الف، واو، یا، انک حرف مد اولمیرینه سبب دیمکدر .

س - همزه نه دیمکدر؟

ج - حرکه سی اولان الف دیمکدر { ا ا ا } کی .

س - سکون نه دیمکدر؟

ج - حرفک حرکه سز قالمسی دیمکدر ابل الفظنده کی لامک

حرکه سز قالمسی کی .

س - سکون قاچ درلودر؟

ج - ایکی در او اولوب برینه سکون لازم دیکرینه سکون

عارض دیرلر .

س - سکون لازم نه در؟

ج - سکون لازم طورہ جفک و کچہ جکک حالہ بولنان
سکوندر کہ قرآن کریمہ بونک ایچون جزم و یا شدہ
{ — } اشارت لری قونور سورۃ فاتحہ دہ { ولا الضالین اک
لامنک سکونی کبی .

س - سکون عارض نہ در ؟

ج - سکون عارض یالکز طورہ جفک حالہ بولنوب
کچہ جکک حالہ بولنمیان سکوندر کہ قرآن کریمہ
بونکچون جزم و شدہ { — } اشارت لری قونماز سورۃ
فاتحہ دہ { ولا الضالین اک نونک سکونی کبی .

﴿ باب سد طبعی ﴾

س - مد طبعی نہ وقت اولور ؟

ج - بر کلمہ دہ حرف مددن بری اولوب آندن صکرہ سبب
مددن بری بولتمدیغی وقت .

س - مد طبعی نہ دیمکدر ؟

ج - بر کلمہ ناک اوزادلمسنہ سبب اولہ جق بر سبب مداولیبوب
آنجق کندی طبیعتیلہ اوزادیلور دیمکدر .

س — مد طبیعی یہ بر مثال کتورہ بیلیر میسکز ؟

ج — کتورہ بیلورم {اوتینا} نک الف وتا ونونی کبی .

س — مد طبیعی نہ مقدار اوزا دیلور ؟

ج — بر الف مقداری کہ بر پار مقی قالدیرہ جق قدر دیمکدر .

﴿ باب مد متصل ﴾

س — مد متصل نہ وقت اولور ؟

ج — حرف مددن بری و حرف مددن صکرہ ده سبب مددن

همزه { — } بر کلمہ ده بولند قلمی وقت .

س — مد متصلہ نیچون مد متصل دینور ؟

ج — سبب مدی بولنان همزه نک حرف مد ایله بر کلمہ ده

بولنمسندن یا پیلدینگی ایچون .

س — همزه نک حرف مد ایله بر کلمہ ده بولنمسنه بر اشارت وار میدر ؟

ج — اوت همزه نک {ع} اغزی کبی یا زلمسی { — } بر کلمہ ده

بولنمسنه اشارت اوله بیلور .

س — مد متصلہ بر مثال کتورہ بیلور میسکز ؟

ج — کتورہ بیلورم {جاء جی ء سوء} کبی .

س — مد متصل نه مقدار اوزادیلور؟
 ج — درت الف مقداری که درت پار مق قالدیره جق قدر دیمکدر.
 س — دها آشاغی اوزاتمی جائز دکلیدر؟
 ج — علما و قراء افندیلمن هپسی درت الف مقداری
 اوزاندقلری ایچون او قدر اوزاتمی واجب اولدیغندن
 دها آشاغی اوزادلماز.

﴿باب مد منفصل﴾

س — مد منفصل نه وقت اولور؟
 ج — حرف مدك بری و حرف مددن صکره سبب مددن
 همزه {ا} آیری کلمه لرده بولندقلری وقت.
 س — همزه نك حرف مد ایله آیری کلمه ده بولنمسنه بر
 اشارت وارمیدر؟
 ج — همزه نك الف {ا} صورتنده یازیلشی آیری کلمه ده
 بولنمسنه بر اشارت اوله بیلور.
 س — بعض یرلرده مد منفصل اولمغله برابر همزه نك {ع}
 اغزی کبی یازیلشی نیچوندر؟

ج - ایکی الف اولوبده بر صورتده بولنامق ایچون
 { یاویاتی ءالد } کبی .

س - مد منفصله نیچون مد منفصل دینور ؟

ج - سبب مدی بولنان همزه حرف مد ایله آیری کلمه لرده
 بولندقلری ایچون .

س - مد منفصله بر مثال کتوره بیلور میسکیز ؟

ج - کتوره بیلورم { ایا ایها، انی اخاف، توبوا الی الله } کبی .

س - مد منفصل بمقدار اوزادیلور ؟

ج - درت الف مقداری که درت پارمق قالدیره جق قدر دیمکدر .

س - دها آشاغی اوزاتمق جائز دکلمیدر ؟

ج - علما افندیلمزك بعضی یلری درت الف مقداری

بعضی یلری برالف مقداری اوزاندقلری ایچون هر

ایکیسی جائز اولدیغندن دها آشاغی اوزادیله بیلور .

س - هانکیسی دها اولادر ؟

ج - درت الف مقداری دها اولی ایسه ده اوقویان کیسه نك

نفسی طار اولورسه هر ایکیسی مساویدر .

﴿ باب مد لازم ﴾

س — مد لازم نه وقت اولور ؟

ج — بر کلمه ده حرف مدددن بری و حرف مددن صکرده ده

سبب سکون لازم اولدیغی وقت .

س — مد لازمه نیچون مد لازم دینور ؟

ج — سبب مدی سکون لازم اولدیغی ایچون .

س — مد لازمه بر مثال کتوره بیلور میسکیز ؟

ج — کتوره بیلورم ﴿ ولا الضالین ﴾ ک ضاسی و ﴿ الم ﴾ ک

لامی و میمی کی .

س — مد لازم نه مقدار اوزادیلور ؟

ج — درت الف مقداری .

س — دها آشاغی اوزادلامازی ؟

ج — بونده ده مدمتصلده بیان اولندیغی کی درت الف مقداری

اوزادلاماسنه قراء افندیلمر من اتفاق ایتدکاری ایچون او قدر

اوزاتمی واجب اولدیغندن دها آشاغی اوزادلاماز .

﴿ باب مد عارضہ ﴾

- س — مد عارض نہ وقت اولور ؟
- ج — بر کلمہ ده حرف مددن بری اولوب حرف مددن صکره ده سبب مد سکون عارض بولندیغی وقت .
- س — مد عارضہ نیچون مد عارض دینور ؟
- ج — سبب مدی بولنان سکون سکون عارض اولدیغی ایچون
- س — مد عارضہ بر مثال کتوره بیلور میسکز ؟
- ج — کتوره بیلورم { یعملون، یوم الدین، نستعین } کبی .
- س — مد عارض نہ مقدار اوزادیلور ؟
- ج — بر ویا ایکی ویا درت الف مقداری .
- س — بوندن بشقه مد عارضده برشی جائز دکلیدر ؟
- ج — کچه جاک حالده صوکنده کی حرف اسره ایسه روم، اوتره ایسه روم ایله اشمام جائز اولور .
- س — روم ندر ؟
- ج — حرفک حرکه سنی کیزلی صدا ایله بیان ایتک دیمکدر .